



ATA OFISIAL DI INKONTRU REUNION DI KUMITE SKULAR DI BOSTON

31 di Agostu di 2022

Kumité skular di Boston rializa um reunion rimota dia 31 di Agostu di 2022 ,17 ora na Zoom. Pa mais informason sobri kualker un di kes itens listadus dibaixu, vizita www.bostonpublicschools.org/schoolcommittee, e-mail feedback@bostonpublicschools.org ô tilifona pa o skritóriu di Kumité skular di Boston pa (617) 635-9014.

FREKUENSIA

Membrus di kumité skular Presentis: Prizidentis Jeri Robinson; Stephen Alkins; Lorena Lopera; y Quoc Tran.

Menbru di Kumité Skular Auzenti: Visiprizidentis Michael D. O'Neill; Brandon Cardet-Hernandez; y Rafaela Polanco Garcia.

DUKUMENTUS APREZENTADUS

Ajenda

Subsidius pa Apruvason

Nota: Atualizason di Riabertura di Anu letivu 2022-23

Aprezentason: Atualizason di Riabertura di Anu letivu 2022-23

PIDIDU DI ORDI

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psoal. Mr. Cardet-Hernandez; Ms. Polanco Garcia y Mr. O'Neill ka staba. Tudu kes otus membrus staba prizenti.

Sra. Robinson fla ki reunion di oji di noiti staba ta ser transmitida en dirétu na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. E anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunes,

**Reunion rimotu di kumite Skular di Boston
Zoom**

31 di Agostu di 2022

Mandarim, Arabi LÍngua Jestual Amerikanu (ASL); intérpretis ta aprezenta es mesmu y es da instruson na se lÍngua maternu sobri modi asedi interpretason simultaniu atraves di mudansa na kanal Zoom. Dukumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

Sra. Robinson anuncia ki pamo duensa y viajens, kumité ka ta tinha kuorum duranti durason interu di runion. A fim di konduzi trabadjus nesésarius di Kumité skular, e propoi pa Kumite riordena ordem di dia, ta muda votasons pa inisio di ordem di dia. Si y kuandu menbrus mesti di bai, kumité ta bem vota pa adia runion, um bes ki ka ta bem tem kuorum. Dadu a urjensia di trabadju ki sta ta ser fetu pa distritu pa prepara riabertura di skola y nesetidadi di partilha kel infurmason inpurtanti li ku partis interesadus y menbrus di kumunidadi, restantis menbrus pa bem permanesi pa obi relatóriu di superitendenti em funson y atualizason di volta a aula. Kes inskritus pa kumentáriu publikus tem opson di testemunha es noti ou spera pa prósimu runion regularmenti ajendadu pa 14 di Setenbru di 2022.

PONTUS DI ASON

Dr. Alkins pergunta sobri benefisius di ser menbru di asusiason di kumites skularis di Massachusetts (MASC). Sra. Robinson y Sra. Lopera papia sobri benefisius di ser menbru di MASC, inkluindu furmason na dizenvolvimentu prufisional, workshops, advokasia, apoiu y buletins mensal. Sra. Robinson agradesi prezidenti di MASC Glenn Koocher pa ter furnesidu a kumité um orientason spesializadu.

Aprovadu - Em xamada numinal, kumité aprova pa unanimidadi pagamentu di kotas a asusiason di kumités skular di Massachusetts na valor di \$8.280 pa anu skular 2022-2023.

Aprovadu - na xamada nominal, Kumité aprova pur unanimidadi subsidius pa aprovason na total di \$372,042.

Aprovadu - Pur xamada numinal, Kumité aprova pur unanimidadi un muson di adiamenntu di runion.

RELATÓRIU Di SUPERINTENDENTI EM FUNSON

**Sima preparadu pa intrega.*

Obrigadu, Madame Chair. Ntem prazer di djunta a nhos es noti. Na 15 di Agostu, nu aprezenta primeru konjuntu di prudutus komu parti di planu di melhoria sistemátiku (SIP). Keli inklui primeru prujetu di um planu stratéjiku pa alunus multilingi, um revizon di pulitika y di manual di prusedimentus pa ensinu spesial, um mudelu simplifikadu di Planu skular di kualidadi pa planiamentu di midjora na skolas, um planu pa renuvason di instalasons sanitáriu na 16 skolas, y konprumisus ku konselhu di skolas di sidadi grandi pa revizons sternus na ensinu spesial, transporti y seguransa di alunus. Tudu prudutus ki nu submeti podi ser atxadus na site di BPS na www.bostonpublicschools.org/strategicprogress. Ikipa distrital ta kontinua ta kulabora ku pesual di DESE di nível superior pa reve se feedback y fazi ajustamentus a midida ki nu ta kontinua ta

**Reunion rimotu di kumite Skular di Boston
Zoom**

31 di Agostu di 2022

kulabora nes trabadju di sistemas kritikus. Konselhu di skolas di grandi sidadi kompleta se primeru vizita a lugar pa itnrevista munti interesadus na ensinu spesial. Es ta bem kontinua ta fazi revizon dukumental y intrrevistas virtual adisional na prósimus semanas a midida ki es finaliza ses relatórius y rekumendasons. Nu ta aguarda ku spektativa aprezentason di bu rekumendasons a Kumite skular na Nuvebru. Nu tem rezultadus adisional previstus pa 8 di setenbru, inkluindu kontratason pa puzisons -xavi pa supervizona sistema di rezuluson di prublemas y revizon di prusedimentus tradu di alunus. Ntem prazer di informa ki nu sta na bom kaminhu pa kunpri es konprumisus, y nu ta volta a poi tudu prudutus na site di BPS, um bes submetidu a DESE.

Duranti nos ultimu runion, min papia sobri investimentu ki nu fazi na nos trabadju di atletismu. Épuka dja kumesa. Mass General Brigham Sports Medicine da Skolas publikus di Boston, na dia 13 di Agostu, izamis fíziku grátis di pré-épuka. Taylor Twellman, um antigu jugador di New England Revolution y kumentador di koris di ESPN Sports, bem atxa alunus.

Ntem prazer di relata ki min kontinua ta atualiza superitendenti Skipper sobri prósimus prujetus y planus pa novu anu letivu. E tem partisipadu na runions ku prinsipal partis interesadus. E fazi anunsius txabi di lideransa ki bu podi odja na kes slides li.

August Leadership Institute (ALI) tevi lugar na Boston University di 16 a 18 di agostu. Ntevi onra di konprimenta partisipantis di tudu nos skolas na dia 1, djuntu ku prezidenti di BTU, Jessica Tang, futuru superitendenti Skipper, prezidenti di kumité skular , Jeri Robinson y visi-prezidenti di Kumité Skular, Michael O'Neill. Tres dia konsentra na implementason di literasia Ikuitativu y na dizenvolvimentu di planus skularis di kualidadi pa SY22-23.

Instituto di joston y operasons fazedu virtualmenti di 22 a 24 di Agostu y kontrata pesual skular, lideransa, y administradoris di Skritóriu Sentral. Um grandi variedadi di departamentus mostradus sobri munti tópicus diferentis ki ta bem djuda a informa nos trabadju komu distritu na prósimu anu, inkluindu tópicus-txabi relasionadus ku planu di Melhoria Sistimatiku -- pulitika di idukason spesial y manual di prusedimentus, linha di apoiu di BPS, y prusedimentus revistus di retirada di alunus, y nos protokolus COVID-19 pa sita alguns.

Skritóriu sentral fazi nos pen House Anual na 25 di Agostu, undi líderes y funksionárius di skola vizita diferentis departamentus pa um inkontru y um saudason, sima podi odjadu na imajens di aprezentasom.

Onti nu fazi nos iventu di kontajen regresivu na jardim na museu di kriansa di Boston, undi nu da boas-vindas a kriansas y familias di jardim y nu pasa muxilas y kuzinhas. Nu sta txeu gratis a Ospital di kriansa di Boston, Muzeu di kriansa di Boston, Bersus a Crayons y gabineti di primeru infansia di Prezidenti di kamara. Foi um akontesimentu ki trazem algum alegria.

Skola ta kumesa na prósimu semana na kinta-fera, 8 di setenbru, pa turmas di 1º-12º anu y na segunda-fera, 12 di Setenbru, pa nos turmas K0-K2. Nu ta bem tem um atualizason mas detalhadu pa partilha ku nhos mas tardi es noti, ma sima min mensiona na nos ultimu runion, kel ikipa li tem trabadjadu duru pa aborda árias txabi ki ta bem djudanu a sta prontus pa um tranzison suavi pa anu letivu.

31 di Agostu di 2022

Sima nhos sabi, na semana pasadu, nu fazi nos konferensia di inpreña ku prezidenti di kamara sobri sobri enseramentu di Orange Line. Nkre rekupera Diretora di transportis Del Stanislaus y se ikipa, ki tem trabadjadu sem para pa aborda kestons di transporti y inuvason trabadjandu na ladu di prezidenti di kamara, y di tudu kes otus parserus involvidus. Nos prinsipal priokupason e garanti ki nos alunus y pesual tem um meiu di transporti ki ta lebas pa skola em seguransa. Em parseria ku sindikatu di kondutoris di autokarus skular, nu konkorda na permiti ki distritu mantem karinhas adisional di transporti di alunus 7D, prinsipalmenti pa perkursus fora di sidadi di Boston. Kes karinhas di transporti di alunus ta bem liberta kondutoris di autokaris skular amarelu izistentis pa aumenta numeru di autokaris dispuível dentu di limitis di sidadi. Inbora enseramentu di Orange Line ta bem sem duvida labanta dizafius pa transporti BPS, nu tem speransa do ki kes karinhas li di transporti di alunus ta bem diminui tenson adisional na nos sistema di autokarus skular amarelu. Nu ta kontinua ta atualiza semanalmenti nos famílias a midida ki infurmason ta bira dispunivel. Pesual di MBTA y di BPS tanbe ta planiua furnesi apoiu adisional a pesual pa djuda a orienta alunus au longu di Orange Line. Fika sienti a MBTA Transit Ambassadors ki ta uza kamizas pólu bermedju brilhantis, kamizolas, ou kazakus ku logótipus T y podi ser atxadu na stasons na sistema interu.

Nu ta intendi ki keli ta bem ser um peridu stresanti pa nos alunus. Nos kumunidade skular di BPS sta li pa sirbi nos alunus ora ki txiga skola, ta garanti asesu a kuidadus, idukason, y kafe, y almosu saudavel "dipos di sinu", independentementi di atrazus na viajen. Alunus debi plania atrazus y, senpri ki pusivel, kontrui tenpu adisional pa txiga y sai di skola. Alunus ki txiga atrazus pamo problemas di transporti ka ta bem ser penalizadus. Alunus ki normalmenti ta toma Orange Line podi uza servisus autokaru grátis di MBTA au lomgu di perkursu di Orange Line. Pa mas infurmasons sobri autokarus di shuttle y sentrus di tranzitu, vizita [Orange Line Shutdown guide](#). Alunus tanbe podi opta pa aseita servisus grátis di Commuter Rail simplesmenti ta mostra se CharlieCard ou CharlieTicket - mesmu ki pasis ka tem valor akresentadu. Tudu parajens di Commuter Rail dentu di Boston e asesivel pa ADA. Si keli for bu primeru bes ta anda di konboiu, nu ta inkorajou a le [Pájina di rekursus di transporti di sidadi](#). Sidadi di Boston distribui gratuitamente CharlieCards na tudu bibliotekas publikus di Boston. Si bu viajen lebou na Orange Line, podi konsidera rotas alternativus uzandu redi di autokarusou otus linhas ferroviárias. [The MBTA Trip Planner](#) podi djuda a atxa otus opsons di tranzitu ki podi funsiona pa bo. Nu ta inkuraja alunus y famílias a pratika novus perkursus antis di primeru dia di alunus. BPS garanti 5.000 MBTA pasis di 7 dia pa familias. Famílias e inkorajadus a akonpanha ku ses respetivus skolas pa organiza orários di rekolha. Alunus dja sta ikipadus ku pasis di veron, y pais ou inkaregadus di idukason podi akonpanhas uzandu kes pasis li MBTA di 7 dia grátis. Si bu fidju mesti di ajuda pa atxa kaminhu favor inkurajal a liga pa linha di apoiu a transporti di BPS: 617-635-9520. Si bu fidju perdi, e debi txoma pa 9-1-1. Unidadi skular di Departamentu di pulisia di Boston ta kordena ku skolas publikus di Boston lukalizason di kriansas dezaparesidus y devuluson a pais, inkaregadus di idukason, ou skola, mas rapidamenti pusivel. Nu partilha tanbe um anunsu a staff pa djuda a sirbi komu inbaxadoris na oras di pontay nu ta bem mandas um mensajen na prosimus dias.

Nos gabeti di involvimentu kumunitáriu ta bem fasilita dos runions virtual pa apresenta novu superintendenti Skipper y partilha ku familas modi ki nu sta preparadus pa resebi ses fidjus di volta a skola. Kes li e prumividus atraves di robocalls, mensajens, e-mails, y buletin infurmativu semanal di pais. Primeru e manha 18 ora y segundu e sábadu, 10 di setembru, 10 orás. Ta bem tem atualizasons di instalasons fetus duranti veron, protokolus COVID-19

Reunion rimotu di kumite Skular di Boston Zoom

31 di Agostu di 2022

atualizadus, infurmason sobri transporti, y mutu mas. Novu linha di Ajuda di BPS ta apoia ativamente famílias através di prusesu di regresu a aulas. Ikipa registra serka di 2200 xamadas, tantu di entrada komu di saida. Duranti ultimu semana, ikipa apresenta skolas novu linha di ajuda y kumesa ta partilha swag prumorsional ku famílias y parserus kumunitáriu ku numeru di tilifoni y inderesu di email. Ikipa di involvimentu Familiar sta ta akolhi dos " Seson di Involvementu pa familia BPS". Primeru tevi 461 partisipantis!

Nkria komunika tanbe kin sta ta plania furnesi um atualizason a Kumite Skular di Boston y a nos kumunidadi na Mission Hill na runion di 14 di Setenbru di SC. Min sta ansiozu pa da nhos um relatóriu sobri modi ki foi inisiu di skola y atualizasons sobri nos progresu, jerindu através di otus árias di interesi a midida ki kes li ta ba ta parsi. Obrigadu.

Dr. Alkins pergunta modi ki grupus kumunitáriu sta ta ser inkluidus na prusesu DESE SIP. Dr. Echelson fla ma BPS y Konselhudi skolas di grandi sidadi sta ta fazi runions ku intervinientis sternus y grupus di advukasia pa rekolhi feedback pa djuda a informa ses rekomendasons na munti árias-txabi di trabadju.

Dr. Echelson konfirma pa Sra. Robinson ki BPS ta bem tem um staff multilingi destakadu na stasons MBTA. Diretor di transporti Delavern Stanislaus fla ma 429 familias opta pa servisu di autokaru amarelus duranti enseramentu di Orange Line. BPS sta ta akresenta rotas di shuttle pa skolas mas afetadus pa enseramentu, sima Charlestown High School.

KUMENTÁRIU DI PUBLIKU EN JERAL

- Vernee Wilkinson, nau rezidenti na Boston, pesual di SchoolFacts Boston, le um rezuluson sonri feedback di alunus y pais.
- Robert Jenkins, redizenti na Mattapan y advogada di kumunidadi, tistemunha a respetu di Orange Line
- Sharon Hinton, rizidenti y difensora di Hyde Park tistemunha sobri riabertura di skolas
- Lauren Peter, rezidenti na Sumner Elementary School, partilha priokupasons sobri fuzon pruposta entri Sumner y Philbrick schools.
- Shery Keleher, rezidenti na y mai di BPS, tistemunha sobri riabertura di skola

Sigintis algem tistemunha a respetu di mididas di saudi y seguransa di COVID:

- Nancy Lessin, rezidenti na Jamaica, menbru di famílias BPS pa seguransa di COVID (FamCOSa)
- Julia Raifman rezidenti na Brookline y profesora di Boston University School of Public Health
- Elise Pechter, rezidenti na Jamaica Plain y menbru di FamCOSa
- Cheryl Buckman, rezidenti na South Boston y menbru di FamCOSa
- Suleika Soto, rezidenti na South End y menbru di FamCOSa

RILATÓRIU

31 di Agostu di 2022

Apresentason di anu letivu 2022-2023 - Dr. Echelson y se ikipa di lideransa sénior apresenta um vizon jeral di progresu di distritu y planus pa um forti kumesu di Anu skular 2022-2023 oa alunus, famílias y staff di Skolaspubliku di Boston (BPS). Dr. Echelson fla ma enbora es substima dizafius di staff y transporti, BPS sta bem preparadu pa um forti inisiu di novu anu letivu.

Pesual: Kondutoris di autokarus, trabadjadoris di servisu alimentaris y alguns paraprofesional kontinua ta ser lugaris di topu nesésarius pa ser prienxidus. BPS sta ta trabadja pa insentiva puzisons di kondutoris y munitoris di autokarus y a fazi planus di kontinjensia pa garanti ki alunus dezignadus munitories ta resebi servisu nesésarius. Kontratason di profesoris di siensia di liseu y profesoris di ESL tanbe tem sidu um dizafiu. Inkuantu munti skolas sta aktualmenti ta karega grandi maioria di vagas di profesoris, distritu sta ta trabadja di pertu ku kes skolas li pa kontrata pesual nesésariu pa primeru dia di aulas.

Transporti: BPS sa kontinua ta apruveita akordu di Negusiason kuletivu ku sindikatu di muturistas, ki ta proporsiona novus oportunitadis pa sirbi midjor nos alunus. Staff sta ta trabadja 24 oras pa dia ku parseria na Sidadi y na MBTA pa kulabora y minimiza perturbasons duranti enseramentu sem presedentis di Orange Line di stadu, y BPS sa kontinua ta midjora ifisiensi operasional ki ta bem djuda a leba alunus a skola em seguransa y a tenpu. Ikipa di transporti di BPS sa kontinua ta trabadja na tarefas di inkaminhamentu y autokaru, na staff di servisu a klienti, y na preparativus di pátius di autokarus.

Servisu di alimentason y nutrison: BPS sta inpenhadu na apoia kresimentu y susesu akadémiku di alunus , ta furnesi refeisons nutritivus y um spriensia gastronomiku puzitivu. Alunus di skolas ki sta ta infrenta dizafius di kontratasen es anu ta bem resebi refeisons saudável y serbidus através di um novu kontratu ku City Fresh Foods, um inpreza ku sedi na Roxbury, inpreza di negrus ki ta prepara refeisons fresku uzandu ingredientis di orijen lukal.

Instalasons: Pa garanti um anu skular di susesu, instalason skular debi ser segurus y akolhedoris. Kel veron li, skolas foi sujeitus a um linpeza y dizenfetasen profundu, bem komu a munti melhoramentus interior y sterior. BPS konklui tanbe munti prujetus di renuvason di skolas, spansons y otus melhorias ki ta inklui spasus interior y sterior, sima kazas di banhu, entradas, parkis di stasionamentu, y parkis infantil.

Atribuison/tarefa y involvimentu di alunus: Na 24 di Agostu, um tatal di 50.980 alunus staba matrikuladus na skolas di BPS. Kel numeru li ta bem flutua a midida ki alunus ta kontinua ta inskrevi ou sai. Tatal di inskrison furmal ta bem sta dispunivel na dia 1 di Outubru. Staff sa kontinua ta txoma famílias na listas di speras pa skolas ku lugaris abertus. Sforsus di sensibilizason di fámilia y di kumunidade e extensus y ta inklui prumuson di inskrison di alunus. Nova linha di ajuda di BPS sta ta funksiona y programa anual di Kontajen dekresenti pa Jardin sta em plenu andamentu ku 30 iventus di zona y Selebrasen na sidadi interu na tersa fera, BPS sta ta akolhi tanbe dos runions di kumunidade virtual Volta a skola pa da famílias um oportunitadid di konxi novu superitendenti y premdi mas sobri modi ki BPS sta ta prepara skolas pa alunus. Runions sta markadu pa kintafera, 1 di Setenbru pa 18 ora y sábadu 10 ora.

31 di Agostu di 2022

Planiamentu y preparason COVID-19: Um ikipa multifunsional di reprezentantis di BPS y di Boston Public Health Commission ta riuni tres dia pur semana pa garanti ki BPS sta na bom kaminhu ku planiamentu di COVID-19 pa inisiu di skolas. Planiamentu ta inklui textis pa alunus y pesual, distribuison semanal di textis di leba pa kaza, textis sintumátikus, klinkas di vasinu y idukason, y pulitika di maskara. BPS sa kontinua ta konsentra na garanti ki skolas tem um kualidadi di ar y ventilason adekuadus , sima opera purifikadoris di ar y sensoris di kualidadi di ar.

Akadémikus: Novi rejions skularis y superitendentis skularis sta prontus a resebi alunus di volta a sala di aula y presta apoiu a idukadoris ku um infoki instrusional di literasia iikativu. Ta izisti apoiu pa alunus ku difisiensias y alunus multilingi. BPS stabelesí um site tenpuráriu di Sentru di avaliason y akonselhamentu pa resem xegadus. Novu akordu di negusiason kuletivu ku sindikatu di profisoris di Boston ta permiti distritu avansa di manera agresivu y atensiozu ku se trabadju di inkluzom. Primeru turma di 20-25 skolas ta bem kria planus di inkluzon pa ses skolas y Ikipas di inkluzon funsional kruzadu ta bem aborda bareras sistemátikus ta bira mas inkluzivus na ses skolas individual.

Dr. Alkins pregunta sobri razons pa tras di vagas di staff. Xefi interinu di kapital umanu Rae Cathings sita tendensia nasional ku difikuldadis na kontrata profesoris, rekuperason y pandimia, y ajitason natural komu prinsipal razons pa vagas dispunivel . E fla ma BPS sta ta trabadja di manera kiativu ku parserus relijiozus y reformadus pa rekruta novu staff. BPS sta ta konsidera oferesi bónus di entrada y di retensons oa munitoris di autokarus. Dr. Echelson fla ma BPS sta ta pidi autorizason a sidadi pa renunsia a rekizitus di rezidensia pa puzisons difisil di prienxi, tal komu munitoris di autokarus y trabadjadoris di servisus di alimentason.

Dr. Echelson konfirma pa Sra. Robinson ki BPS sta bem preparadu pa implementa rekizitus di formatura di MassCore.

Dr. Akins pregunta modi ki foi selesionadus skolas ki resebi renuvasons. Direktor di instalason Brian Forde splika ki feramenta di planiamentu di ikuidadi rasial y indisi di oportunitadis di BPS foi kruxadus ku panel di instrumentus di idifisiu di BPS pa garanti ikuidadi na priorizason.

Dr. Alkins pregunta sobri kulaburason di distritu ku Kumison di Saudi publiku di Boston relativamenti a planiamentu di COVID. Konselhera Sénior Megan Costello diskrebi abordajen em kamadas di distritu a protokolus di saudi y seguransa. [Pájina web di saudi y seguransa](#) ta inklui preguntas frekuentis sobri COVID-19, sima orientason sobri variula di makaku.

Dr. Alkins pregunta sobri sforsus di distritu pa kontrata trenadoris di alfabetizason.

Superintendenti Asistenti

Gabineti di akadémikus y Aprendizajen Prufisional Dra. Christine Landry fla ki, apezar di kontratason, kada rejion ta bem ser dotadu di um trenador di alfabetizason iikativu y intervensionista.

Sra. Robinson pidi um atualizason sobri vagas di servisus di seguransa. Xefi di servisus di siguransa Neva Coakley Grice fla ma departamentu sta konsentradu na kontratason y a bordu di novu staff di seguransa.

**Reunion rimotu di kumite Skular di Boston
Zoom**

31 di Agostu di 2022

Sra. Robinson pergunta modi ki skolas individual sta ta sigi ses própius dados. Sub-superintendenti di Operasons Sam DePina fla ma um ikipa multifungsional di mas di 40 departamentus lideradus pa Divizon di skolas sta ta trabadja pa apoia lider skular. E splika modi ki novu strutura rejional ta bem apoia skola midjor.

Dr. Alkins pergunta sobri stratéjias pa prienxi vaga pa idukadoris multilingi y idukadoris pa ensinu spesial.

Dr. Echelson fla ma distritu sta ta konsentra na skolas ku inpaktu individual, ta distribui rekursus di manera agresivu. E manifesta konfiansa di ki BPS ta bem ser kapas di kunpri objetivus stabelesidus oa DESE y pa Departamentudi justisa, ta akresenta ki distritu sta bem preparadu pa dezenpenhu pontual di autokarus y ta aumenta asesu a instruson di maior kualidadi.

FITXADU

Tendu kumité skular ja votadu pa adia runion na inisiu di noti, Prezidenti Robinson fitxa seson mas o menus 19:37.

Atestadu:



Elizabeth Sullivan
Sikretária Izekutiva